

## Avianca a wordo premia pa Tecnologia Red Hat

Tur aña, Red Hat ta reconoce e logro tecnologico di personanan, companianan y socionan rond mundo cu a demostra ideanan creativo, solucion di problemanan y innovacion haciendo uzo di productonan di Red Hat.

Premionan di Red Hat ta wordo dividi den seis categoria: Infraestructura, Modernisacion, Aceleracion, Integracion y Automatizacion, Transformacion, Nube y Desaroyo di Aplicacionnan.

Den e oportunidad aki, Avianca Holdings S.A a wordo premia pa expertonan di tecnologia Red Hat como e ganado di categoria "Trans-

formacion" danki na e simplificacion, organisacion y innovacion den su estructura tecnologico despues di e integracion di varios sede bou un compania Holding. Ehecutivonan di e Week, Forbes, Informacion Week, Research, Forrester Research, MarkoInsights y Red Hat a forma e grupo di huesnan cu a tuma e decision di duna e reconocimiento aki.

Despues cu Avianca a gana e categoria "Transformacion" a wordo nomina di manera automatico pa e maximo premio "Red Hat Innovator 2015". E premio aki ta wordo otorga via votacion di linea habri desde dia 22 di juni te cu dia 24 di juni 2015. Pa haci e votacion mester bishita e pagina <https://www.redhat.com/en/customers/innovation-awards> y asina e ganado lo haya su premio durante e ceremonia di "2015 Red Hat Innovator of the Year" cu a inicia dia 23 di juni te dia 26 di juni na ciudad di Boston.

Premio "Transformacion" a wordo entrega na Avianca pa e integracion di Avianca, TACA y diferente companianan di Avianca Holdings S.A despues cu ekipo tecnico a logra identifica e necesidad di uza e tecnologia pa e servicio di e organisacion y preparacion pa e unificacion y cambionan constante di industria. Di e forma aki, a wordo aplica un herment di unificacion ESB (Enterprise Service Bus) cu a permiti e redefinicion di e estructura tecnologico pa simplifica, reorganisa y innova cu e objetivo di haya procesonan interno y externo di manera solido y eficiente. Pa haci esaki algo posibel, e trabou di Red Hat tabata indispensable brindando no solamente su productonan y servicio sino tambe e apoyo strategico den e proceso di integracion introduciendo e uzo di codigonan habri. Te awo e proyecto aki a wordo utiliza den varios departamento di e compania manera benta, reservacion, ticket, carga entre otro, mejorando e eficiencia y na mesun momento brindando un satisfaccion mas grandi na tur e consumidornan.

Red Hat ta e lider mundial den e desaroyo di software di codigo habri den e campo di tecnologia di informacion empresarial ofreciendo un cartera di productonan mas amplio na e mercado comercial. Presidentenan y departamento di I.T rond mundo a logra entabla un relacion di confiansa cu e tecnologia Red Hat pa su rendimiento, funcion y siguridad. Tecnologia di codigo habri di Red Hat ta encera principalmente cinco linea di producto, esta Plataforma Linux, middleware de JBoss, virtualizacion, nube y registro. Tur e tipo di productonan aki hunto cu mas servicio cu a wordo premia di Red Hat tin como objetivo satisface e necesidad di clientenan di forma rapido reduciendo costonan. □

Red Hat